

Uns grüst's scho z'Nacht im Gegetheil,
Fir wieder morn z'verwache
Un läufe z'süechen-unser Heil
Mit allerhand fir Sache.
Im Traum nur fliege mir mângmol,
Un 's isch eim doch als scho so wohl,
Un 's isch so licht als z'mache!

Ne so wie d'Storke wâr's e Freid
In Himmel ufe z'fliege,
So wit as d'blaue Luft eim trait
Un ab dr Welt so z'ziege.
Wenn's doch nur wâr als fir e Stund,
Bis ass emol d'Erlösung kunnt
Vo alle Lewens-Kriege.

~~~~~

### Ne Kammerjumpfne.

—

Ich bi vo Tulpe, un dert unte,  
Dert kunnt me wenig unter d'Lit,  
Drum hat mi Muetter letschthi g'funde,  
Ich sott furt geh fir ebbes Zit.

So bin i do in d'Stadt ku diene,  
Doch leider Gott, was isch nitt g'schâh!  
An keim Platz ka-n-i bliwe niene,  
I mag als noch so Achtung gâ.

's isch o kei Wunder, d'Lit sin alle  
Ganz anderscht g'macht un b'schaffe do,  
Me-n-isch jo wie vom Himmel g'falle,  
Ich ha noch gar nit g'sâh-n-eso!

Letscht thüet mi Madame mir befähle  
Am Morge frieh im Nêgligé,  
Ich soll're siter d'Hoor ussträhle  
Derwilst as sie g'schwind us will geh!

Wie ka me heisse-n-eim so Sache?  
Sie miesst, so wenig Hoor se hat,  
Doch do si bi mr, fir das z'mache  
Un doch schint's will se furt in d'Stadt?

Ich denk, i ha se letz verstande  
Un loss es geh, doch bol geht's los;  
Se kunnt un sâit mr alle Schande,  
Uf mine Worte hört se blos.

Ich ha, so schreit se, fir geh z'bade  
Jo mine Hoor nitt bi mr g'ha,  
Se lige dert in sâll're Lade,  
Ich leg se-n-erst z'Mittag als a!

Das ha-n-i halt nitt kâne wisse,  
Bi uns in Tulpe-n-isch de Lit  
Ihr Hoor ag'wachse. Uf mi G'wisse,  
Vo dâr Ordnung verstand ich nit!

E-n-andre G'schichte noch, e nette,  
Isch mir dr andre Tag vorku;  
I bin ere-n-uf d'Zâhn schint's trete!  
Se hat mi schier am Krage gnu!

Ich heb's ere, so thüet se schelte.  
Wohrschinlig, wo-n-i abg'stâibt ha  
An Bode g'schlânkert! Thüet's Ernst gelte?  
Wo hat die ihre Zâhn denn g'ha?

Thüet se denn alles nur aklâiwe?  
In Tulpe, dert kunnt nit so uf!  
Dert thüet eim Nieme d'Zâhn abstâiwe  
Un 's trittet eim o Nieme druf.